

蔣
子
文
傳

羅
鄴
撰

中
華
書
局

BWL/1197/1003

叢書集成初編所
選古今說海龍威
祕書皆收有此書
古今說海在前故
據以影印

蔣子文傳

說淵三十九

別傳三十九

蔣子文廣陵人也嗜酒好色挑搥無度常
自謂骨青死當爲神漢末爲秣陵尉逐賊
至鍾山下賊擊傷額因解綬縛之有頃遂
死及吳先主之初其故吏見文於道乘白
馬執白羽侍從如平生見者驚走文追之
謂曰我當爲此土地神以福爾下民爾可
宣告百姓爲我立祠不爾將有大咎是歲

夏大疫百姓輒相恐動頗有竊祀之者矣
文又下巫祝吾將大啓祐孫氏官宜爲吾
立祠不爾將使蟲入人耳爲災俄而有小
蟲如鹿蛭入人耳皆死醫不能治百姓愈
恐孫主未之信也又下巫祝若不祀我將
有大火爲災是歲火災大發一日數十處
火及公宮孫主患之議者以爲鬼有所歸
乃不爲勵宜有以撫之於是使使者封子

文爲中都侯次子緒爲長水校尉皆加印綬爲廟堂轉號鍾山爲蔣山今建康東北蔣山是也自是災厲止息百姓遂大事之陳郡謝玉爲琅琊內史在金城其年虎暴殺人甚衆有一人以小船載年少婦以大刀插著船挾幕來至邇將出語云此間頃來甚多草穢君載細小作此輕行大爲不易可止邇宿也相問訊旣畢邇將適還去

其婦上岸便爲虎取去其夫拔刀大喚欲逐之先奉事蔣侯乃喚求助如此當行十里忽覺如有一黑衣人爲之導其人隨之當復二十里見大樹旣至一穴虎子聞行聲謂其母至皆走出其人卽其所殺之便挾刀隱樹住良久虎方至便下婦著地倒牽入穴其人以刀當脚斫斷之虎旣死其婦故活向曉能語問之云虎初取便負著

背上臨至而後下之四體無他正爲草木
傷耳扶歸還船明夜夢一人語之云蔣侯
使助汝知否至家殺豬祠焉會稽鄞縣東
野有女子姓吳字望子年十六姿容可愛
其鄉里有解鼓舞神者要之便往緣塘行
半路忽見一貴人端正非常貴人乘船手
力十餘整頓令人問望子欲何之具以事
對貴人云我今正往彼便可入船共去望

子辭不敢忽然不見望子既拜神坐見向
船中貴人儼然端坐卽蔣侯像也問望子
來何遲因擲兩橘與之數數形見遂隆情
好心有所欲輒空中下之常思噉鱸一雙
鮮鯉隨心而至望子芳香流聞數里頗有
神驗一邑共事奉經三年望子忽生外意
神使絕往來咸寧中太常卿韓伯子某曾
稽內史王蘊子某光祿大夫劉耽子某同

遊蔣山廟廟有數婦人像甚端正某等醉
各拈以戲相配匹卽以其夕三人同夢蔣
俠遣傳教相聞曰家子女並醜陋而猥垂
榮顏輒刻某日悉相奉迎某等以其夢指
適異常試往相問而果各得此夢符協如
一於是大懼備三牲詣廟謝罪乞哀又俱
弗許俠親來降已曰君等旣已顧之實貪
令對尅期垂及豈容方更中悔經少時並

亡劉赤斧者夢將侯召爲主簿期日促乃
往廟陳請母老子弱情事過切乞蒙放恕
會稽魏過多材藝善事神請舉過自代因
叩頭流血廟祝曰特願相屈魏過何人而
有斯舉赤斧固請終不許尋而赤斧死焉
孫恩作逆時吳興紛亂一男子忽急突入
將侯廟始入門木像彎弓射之卽卒行人
及守廟者無不皆見也中書郎王長豫有

美名父丞相導至所珍愛遇病轉篤導憂
念特至正在北床上坐不食已積日忽見
一人形狀甚壯者著鎧執刀王問君是何
人答曰僕是蔣侯也公兒不佳欲爲請命
故來耳勿復憂王欣喜動容卽求食食遂
數斗內外咸來達所以食畢忽復慘然謂
王曰中書命盡非可救者言終不見也

蔣子文傳終